

# DISSERTATIO MEDICA

## DE PHTHISI PULMONALI.

QUAM, Deo duce & auspice Dei-Parâ, in  
Augustissimo Ludovicæo Medico Monspeliensi,  
publicis subiciebat disputationibus,

AUCTOR,

PETRUS-CLAUDIUS GRAND, Craponnensis, olim  
apud Velaunos, nunc ex partitione dictâ,  
*Département de la Haute - Loire*, Liberalium  
Artium Magister, jam-dudum saluberrimæ  
Facultatis Parisiensis Alumnus, Nosocomii dicti  
*Hôtel-Dieu*, & dein Nosocomii dicti *Hôtel des  
Invalides* Chirurgus, nec-non Scholæ practicæ  
Parisiensis Academiæ Chirurgiæ Discipulus;  
pro trimestri Aprilis 1791.

*Pro primâ apollinari laureâ consequendâ.*

---

Non est in medico semper reievetur ut æger.

Interdum doctâ plus valet arte malum.

OVID. lib. 1.

---

MONSPELII,

Apud JOSEPHUM-FRANCISCUM TOURNEL, Universitatis Medicinæ  
Typographum, & Bibliopolam.

M. DCC. XCI.



---

# ARGUMENTABUNTUR

ILLUSTRISSIMI PROFESSORES REGII

D. PAULUS-JOSEPHUS BARTHEZ, *in sacro Consistorio  
Consiliarius, Universitatis Cancellarius.*

D. GASPARDUS-JOANNES RENÉ, *Decanus.*

D. ANTONIUS GOUAN, *Pro-Decanus.*

D. FRANCISCUS BROUSSONET.

D. FRANCISCUS VIGAROUS.

D. HENRICUS-LUDOVICUS BRUN.

D. HENRICUS FOUQUET.

D. JOANNES-BAPTISTA-TIMOTHEUS BAUMES.





AMANTISSIMO ET COLENDISSIMO  
AVUNCULO MEO  
CAPRASIO BRIGNON,  
PASTORI DIGNISSIMO,  
ET AD SAPIENTIUM NATIONIS CONVENTUM  
HONORABILI LEGATO,

---

OMNES animi nervos contendant adulescentes  
in Mecenate illustrando; in numero Deorum  
fastidientem vani & assidui præcones hæroem  
reponant. in te laudandum omnes elogiâ consen-  
tire silens gloriatur. In me tua memor hîc omnia




in lucem edere beneficia animus ardet. Illorum  
à primâ ætate incipit catena; quæ scio, quæ  
possum, curis, consiliis, auxiliisve tuis omnia  
debeo. Novum in me quæso confers, accipias  
animo vultuque serenis hæc primitias artis quæ  
omnes vitæ meæ delicias efficit. Hoc in re tam  
arduâ, primum tentamen sit tibi pignus amoris,  
summæque venerationis, quæ altâ mente & imo  
corde in æternum remanebunt.

AMANTISSIME AVUNCULE,

Obsequentissimi  
addictissimique nepotis,

P. C. GRAND.





# TENTAMEN MEDICUM

D E

## PHTHISI PULMONALI.

### DEFINITIO GENERALIS.

**P**HTHISIS decrementum, consumptio, aliquandò corruptio significat. Indè phthisis dicitur morbus quo corporis evanescit torositas. Ob hanc etymologiam inter se discrepant medici. Phthisin enim diminutio & colliquatio corporis appellantur ab istis, ab istis diminutio & colliquatio ex ulcere; cæteri demùm voluerunt diminutionem & colliquationem ex ulcere pulmonis phthisim esse vel tabem.

Apud *Hippocrates* tres leguntur tabis species; prima fit à pituita è capite ad pulmonem defluente; secunda à labore quam renalem vocat; terriâ à spinali seu dorsali.

*Galenus* istam agnovit differentiam. Phthisis à græcis communiter dicta omnis diminutio corporis ac colliquatio: ea verò quam phthoën proprio vocabulo appellant, corporis consumptio ex ulcere ac demolitio est dicta (1).

---

(1) Junt. edit. finit. med. fol. 45. E. tom. 1.



*Celsus* tres agnovit phthisis species; phthisim ex ulcere pulmonis; atrophiam in quâ corpus non alitur, cum naturaliter aliqua semper decedant, nulla verò in eorum locum subeant; & cachexiam in quâ omnia corrumpuntur alimenta.

*Aretæus* purulentam labem in phthisi voluit (1).

Alii inquam medici dixerunt phthisim quandò corpus contabescit & colliquescit ex ulcere pulmonis: confirmat hoc *Galenus*. Tabes est exulceratio pulmonis, vel thoracis, vel faucium, ut & tussicula & debiles commitentur febres, & corpus conficiatur (2).

*Aëtius* propriè phthisim vocari voluit ulcerationem pulmonis quæ post sanguinis sputum, pleuritidem & peripneumoniam sequitur (3).

*Nicolaus Piso* sic de phthisi seu tabe loquitur: phthisis propriè significat ulcus pulmonis cum febre, quandò homines ad ipsum brevi contabescunt: impropriè ergò pro quâlibet corporis consumptione sumitur (4).

His præmissis, cum *Van-Swieten* dicemus: phthisis est consumptio universi corporis habitûs per labem purulentam; verùm talis consumptio posset oriri à quocumque fomite purulento in diversis corporis locis hærente.

De diversis hodiè non dicam phthisis speciebus, sed solummodò de phthisi pulmonali, tanquam frequentiori, & omnium maxime propriè dictâ.

### D E F I N I T I O.

Phthisis pulmonalis est consumptio & colliquatio totius corporis ex ulcere, vel tuberculis ulceratis in pulmone hærentibus, & quas concomitat febris lenta.

### C A U S Æ.

Originem ducere potest ex omnibus quæ sanguinem in pulmonibus ita sistere valent, ut in materiem purulentam abeat. Sic omnes pulmonis inflammationes quæ hæmoptoën producant, pleuritis, peripneumonia, pleuro-peripneumonia; aër humidus & calidus; exhalationes metallicæ & vene-

(1) De causis & signis morb. diuturn. l. i. cap. VIII. p. 36.

(2) *Junt.* ed. fin. med.

(3) Lib. VIII. cap. LIII & LXII.

(4) De morb. cogn. & curand. lib. II. c. X.



natae ; cibi & potus irritantes , salino corrosivis & acribus moleculis abundantes. Hæc sanguis ad minima vascula pulmonis deponit , hæc corrodat , hæmoptoës supervenit : illorum verò spirituum acrium , multa halitu inspirantur effluvia ; v. g. in laboribus chemicis , aut pulverum qualiumcumque acrium in aliis mechanicis operibus ; hæc in aëriis derelinquuntur cellulis , corroduntur parietes & en exulceratio & mox tabes. Hunc morbum excitant pervigilia , studiorum agitationes ; immoderate exercitationes , vociferationes , animi affectiones pravæ ; tristitia ira , invidia , &c. Humorum acrimonia tum acida , tum alkalina , tum morbifica : hæmorrhoidum , menstruorum , lochiorum , sudationum suppressio ; æstuante corpore potus gelidus. Migrat labes purulenta quævis ; lues venerea , scrophulæ &c. in pulmonem migrant scabies , variolæ , & omnia exanthemata ; mox adest lugenda tabes. Rarum non est malignas terminari febres in abcessum & ulcus pulmonis phthisicum.

Inter causas recensentur adhuc glandularum variarum pectoris inflammatio , catharrofa tussis , asthma , scirrhus , tuberculi , vomicæ , calculi.

Adolescentia tibi objecta est ( ait *Celsus* ) & inter adolescentes , magis objecti sunt qui collo longo , scapulis depressis & elevatis , pectore angusto præstant ; qui hillares superbiunt colore candido , amæno roseo , & subtilitate ingeniî ; quibus albescunt dentes colore lactis & præsertim quibus innata labes.

#### D I V I S I O.

Differentias phthisis admitit varias. Distinguemus in *incipientem* , quæ levibus hominem exercet symptomatibus ; *confirmatam* , quæ omnia habet signa tabis & consumptionis ; & *deploratam* , tunc ferè consumpti sine ulla spe jacent phthisici , & mox moriuntur. Distingui potest phthisis ratione causæ , diuturnitatis , symptomatum plus minusve urgentium , temporis ipsius morbi , ætatis ægri , & aliarum circumstantiarum.

#### D I A G N O S I S.

Diagnosim secundum divisionem nostram statuemus.

*Incipientem* cognoscere morbum difficile est ; primo enim gradu leniter afficitur ægrotans tussiculâ exiguâque dyspnœâ : sputa cruenta contemnit & præcipuè juvenis voluptatibus deditus non conqueritur , aut parùm curat , & radices agere firmiores permittit.

Si quis attamen præstet habitu phthisicorum , aut tabidâ stirpe fatus , tussiculâ è pulmonibus sputa cruenta educat , caveat ; caveant omnes qui



hæmophthoë laborant præsertim si vis externa huncce non attulit morbum. Per erosionem aut rupturam educus sanguis in aërias vasculis cellulas, tussim excitat prout externum corpus. Convulsivulæ adfunt & magis ac magis expuitur sanguis. Caveant qui tussi eâ parvâ laborant quam vulpinam vocamus, & qui sine dolore cruentum edunt sputum, mox sordidum, mox purulentum, & qui puncturas quasdam toto thorace, titillationes sentiunt ad fauces. Post pleuritidem, peripneumoniam, vomitam, ruptam, sputis pus magis ac magis educitur, evanescit corporis torositas, vires evanescunt, febris exigua, lenta, putris ac symptomatica diu, noctuque intensior superest, jam tabes adest & confirmatur.

*Confirmata* facilius dignoscetur. Jam valde apparet corporis consumptio; febris hectica, tussis crebra mane & vespere aucta & noctu molestior. Sputa procreans viscosa plus minùsve purulenta, quandòque pulmonis substantiam defferentia; redeunt quandòque cruenta. Sitis ardet varia, aliquandò cibum appetunt, vires tamen ac corporis forma evanescunt. Si scalas vel montes scandant, spiritus deficit, dyspnœa augetur cum cordis palpitatione frequenti; gennæ coloratæ livefcunt; exhausta digitorum carne exalbidi vel pallidi apparent, pedes tumescunt, pulsus est parvus & hecticus, id est, undequaque sibi similis; expiratio graveolet, & tetrum afferunt odorem sputa carbonibus usta. Tabidis in aquam marinam expuentibus, si pus fundum petat, celerem perniciem denunciat (1). Nam naturalia facile solvuntur, vel mucosa supernatant. Urinæ naturales aliquandò, aliquandò oleaginæ, vel fursuræ ob humidi consumptionem, sudoribus frequentissimis & præcipuè nocturnis pectora madefacientibus. Tandem debilitas universalis, & jam horrida macies totum deformat corpus. Nunc advolant *deploranda* symptomata, capilli defluunt, pedes manusque tumescunt à parte affectâ, pustulæ aquosæ epiderminem attollunt, & exanthemata miliaria alba satis referunt, sed majora; oculi cavi apparent, gennæ colapsæ, color luridus, nasus & aures rigida ac frigida, labia pallida, toto corpore, non nisi cutis ossibus hæret. Accuratissimè hancce tristissimam depinxit imaginem. *Ovidius*, metam. lib. VIII. vers. 805 & seq.

. . . . . Cava lumina, pallor in ore,  
Labra incana situ, scabri rubigine dentes;  
Dura cutis, per quam spectari viscera possent:  
Ossa sub incurvis exstabant arida lumbis:  
Ventrì erat pro ventre locus. Pendere putares  
Pectus & à spinæ tantummodò crate teneri.  
Auxerat articulos macies, genuumque tumebat  
Orbis & immodico prodibant tubere talo.

(1) *Hipp. coac. prænot. ed. Foes. sect. II. pag. 188.*



Respiratio cum anxietatibus præcordiorum difficilior quotidie evadit. Sæpius ante mortem intumescit abdomen nisi vel nimius sudor, vel super accedens diarrhæa ipsum vitæ terminum acceleraverint. Pediculorum copia molestat donec expuitur pus, expurgatur, ut ita dicam, pulmo: cum verò intus manent, observantur quidem viæ spiritûs, patientes strangulantur, hic affectus ferinus vocatur quia malignus, vel quia curvatas habent ungues feris instar.

Non solum in pulmone hæret phthisis sed etiam in thoracis parietibus: inflammatio pleuræ pulmonem fixit & hæc adhæsiō sputa tunc explicat purulenta.

In pulmone tabes minimum affert dolorem vagum & profundum, in pleura verò stabilis est dolor & ingravescit, procumbenti in latere opposito dolori. Quandòque sputum affert pulmonis partem, quæ locum indicat affectum, an arteriam asperam, an pulmonis substantiam, &c.

Si sub sternō gravans lancinansque adsit dolor cum cæteris phthiseos signis, tunc judicare licet mediastinum esse affectum, imò ex abscessu mediastini suam originem cœpisse morbum.

Si scirrhus ulceris sit causa, tum ægri velut pondus aliquod premens sentiunt in aliquo pectoris loco, ubi nimirum infarctus scirrhus factus est.

### P R O G N O S I S.

O quantum difficile est curare morbos pulmonum, ait *Baglivius*, ubi de morb. pect.

Ex sanguinis sputo, puris sputum, malum.

Ex puris sputo tabes & fluxus, ubi verò sputum sistitur, moriuntur.

Aphorismi hic duo medicinæ patris, sunt & historia & prognosticum scrupulosa diræ phthisis. Secundum divisionem nostram dicemus: incipiens quandoque curatur, confirmata difficillimè, & deploratam nunquam ullus sanavit *Appollo*.

Incipiens ab hæmophthoë difficultatis gradus experitur. Hæmophthifis à vi externâ, ab immoderatis clamoribus, si nullum adsit in sanguine vitium, si præsertim angustissima dilacerata fuerint vasa, tunc facile sanus evadet ægrotans. Si hæmophthoën erosione vasorum, vel crassorum disruptione,

---

(1) *Hippocr.* ad *Foes.* l. VII. aphor. aph. 15. 16.



vel hæmorrhoidum, menstruum lochiorumvè, confertur sanatio, sed minus facile, si jam pus his causis sputetur minus facile adhuc: si hæc omnia, tabidâ stirpe satum vel habitu corporis phthisi inclitum contingant, tunc imminet periculum. Quotquot autem phlegmone sic occupavit, ut jam febricitarent horum nullus est in totum perfanatus (1).

Si vomica diù existat in pulmonis parenchymate & cum disrumpitur non perfectè & citò pus evacuetur, pessimum. Scirrhus si sputa purulenta præcesserit & existat, sanatio perfecta nulla.

Jam diximus phthisis confirmatæ curationem perdifficillimam esse; nam motus pulmonis efficit vitam, & motus pulmonum maximum est incommodum.

In phthisi verò deploratâ nullum solatium; nam tunc jam dissoluti sunt pulmones, vel ferè omninò absunt ut observavit *Morgagni* multoties (2). In nosocomio Parisiensi egomet duas vidi filias unam triginta annis natam, alteram verò viginti quinque: primæ pulmo à dextris adæquabat ovum gallinaceum nec plus, à sinistris verò scirrhosus dimidiam voluminis amiserat partem. Alterius pulmo à dextris lividus erat, nigris conspersus maculis, à sinistris minima pulmonis portio in aquâ purulentâ natabat.

Facile intelligitur quod si ulcus grandius sit in extemitate pulmonum tunc pus & sputis exit & in capacitatem thoracis infunditur, tunc complicatur phthisi empyemate.

Phthisis confirmata, ait *Zachias*, habet conjunctum secum contagium, & quandoque tantâ pravitate & malignitate committatur, ut habitu inficere possit (3), & matrimonium hæc de causâ irritum dicit (4).

Halitus contagione imprudentes alios labefactat, ait *Nicol. Piso* (5).

Vid. *Van-Swieten* comment. in aphor. *Boërh.* t. IV, p. 64 & &c.

Nunc phthisicam mulierem nosco à menstruum suppressione, cujus filia 14 incipiens annum majorem sanguinis spuebat quantitatem quoties cum matre incumbibat.

### C U R A T I O.

Hæmophthoë veniente, mittatur sanguis & eò abundantius quò abundantius expuitur: antiphlogistica addhibeatur diæta. Stirpe tabidâ fati præ-

(1) *Gal.* method. med.

(2) De sed. & caus. morb. lib. II de morb. thot. epist. 22, n°. 6 & 8.

(3) Quæst. med. legal. liv. VIII, tom. 2, quæst. 10 5.

(4) *Zach.* ibid. t. 3, consil. 78.

(5) De morb. cogn. & cur. lib. II, cap. 10.



cipue & etiam sputa non expectent cruenta, si adsit respirandi difficultas vel catarrhosa tussis cujus vehementia debilia frangeret vasa: circa 17, 18 annum, tunc non indormiant, mittetur sanguis & recta observetur vivendi norma. Hæc curâ unicum servavit hæredem celeberrimus *Boërhaavius*, in cujus familiâ hæreditaria hæc labes erat. Cautiones adhibeantur istæ usque ad 36 vel 37 annum, tunc paulatim à venæ sectione temperandum, ne demum debilitet corpus, & tandem qui vitavit Scillam, Caribdi haustus sit hydropicus moriendo, ut exemplum affert *Van-Swieten* (1).

Si jam pus educatur, non desperandum tamen. Pathologia solertissima hîc maximi est momenti. Si labes est hæreditaria, vel venerea, vel scrophulosa, &c. therapeutica tunc exigit sanari procreantem causam. Si exanthemata, vel periodici effluxus ad pulmonem repercussa fuerunt, revocare hæc ad pristinam sedem methodo enitatur lenissimâ medicus.

Si cacochymiâ supersit ulcus, vel post febrem evaserit criticum, & præsertim si in thoracis parietibus inhærens suspiciatur, tunc emplastra vesificantia ad locum ubi recensetur dolor, admoveatur ferrum candens & plagæ efficiantur cauterio vel pus eliciatur foris. *Setone*. Per alvum evacuare morbosam materiam conati sunt medici, purgantia adhibuit *Hippocr.* non absque cautelâ. *Benedictus* vult in initio morbi præsertim leniora purgantia, & tandem remedia ad sanguinem muniendum contra infectionem purulentam, vel quæ humorum degenerationi efficaciter resistunt, vel quæ viscosos & crassos humores extenuant, *Fernel*. Quandò cacochymia adest purulenta & sola dignoscitur tabida lues tunc ad ulcera desiccanda administrantur aquæ thermæ Montis aurei, Bonenses, Cauterientes; aquæ calcis, nauticæ picis; sed celebrantur cortex peruviana (Vide *Torti*, *Morton*, *Van-Swieten*) therebentina resina, le *sagou*, le *sâlep*, mel, sed imprimis sacharum rosatum. Lege *Avicennium* (2), *Cardanum* (3), *Nicolanm Pisonem* (4), *Riverrum* (5).

Multa conferunt hæc remedia omnia, & quædam alia empyrica de quibus hîc non loquor, sed nulla, si præcipue rationi victus non attendatur.

Aër deligatur ad ficcum vergens, temperatus; proindè vitentur sol & frigus, navigatio & cœli mutatio modò densius petatur; exercitium mo-

(1) Comment. aphor. *Boërhaav.* t. IV, p. 83.

(2) Canon md. l. III, sect. X, tract. V, cap. V, p. 661.

(3) De curat. admir. curat. VIII oper. Tom. VII, p. 254.

(4) De morb. cur. & cogn. l. II. CX de phthisi.

(5) Cap. de phthisi.



deratum, ambulatio, gestatio mollis, frictiones antè cibum, hæc omnia profunt. Alvus fit lenis; ab immodicis animi affectionibus absteineat æger, à negotiis, à venere: cibi sint cocti faciles, crebri, tenues, nutrientes, v. g. jura pullorum, caponum, gallinarum, perdicum, phasianorum aut vitulorum pedum, hæderum, castratorum. Sorbitiones erunt ptisanâ alicâ; orisâ, amigdalorum, & præcipuè amararum emulsiones.

Cochleis terrestribus, testudinibus nemoralibus, cancris fluviatilibus confecta jura.

Lacte nihil præstantius videtur. Sed inter lactis species diversas, muliebre eligendum, dein asininum, bubulum, caprinum. Augetur vel minuitur lactis proprietas, ratione victûs ipsius animalis. Lactucâ, portulacâ, chicorio educatum, lac refrigerat: fœniculo, hyssopo, adiantho, hordeo, &c. nutritum, terget lac: & sic de cæteris. Sumitur lac cum saccharo præcipuè rosato.

Si lac in ventriculo corrumpatur succis acidis, tunc addatur aqua calcis: si inertîâ ventriculi, aquæ vitæ addatur.

Lacte abstinendum sæpissimè, si alvi profluvium contingat: tunc *Morton* vult diascordium & corticem peruvianam simul mixta aña administrari. ter quaterve in die ad 3j. quoties.

Curationis deploratæ phthisis non invenimus exemplum. Solatium superest in ministrantium amœnitate, in vanâ spe quam suadet medicus, & in medicamentis lenissimis quæ diversa exigunt symptomata. Eclegmata diversa cum melle rosato vel sirupis diversis, vel therebentinâ.

FINIS.